



Ocvlvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. XXII. Quando & cur vitra species erigentia nil præter merißimam
lucem in chartam deferant?

[urn:nbn:de:hbz:466:1-71258](https://nbn-resolving.de/urn/resolver.pl?urn=urn:nbn:de:hbz:466:1-71258)

lineam G N, & ex N à perpendiculari, secundum lineam NL, & sic necessario intra CE atque CF prouehitur, eodem modo radius DI pergit in O, quandoque refractus, quandoque directus, sed ex O semper venit in L refractus à perpendiculari ; similiter pergunt radij PM & QM; ex quo fit necessario ut citius concurrant duo radij NOM & KPM, quam CF & KF, ex quo baseos communis LM non tantum abbeuiatio, verum etiam retractio versus lentem CD elucescit.

Imago porrò secundum basin LM projecta hebetior est quam EF, quod hæc per pauciora, illa per plura diaphana fuerit refracta, deinde quod illa plures hæc pauciores & minus perfectas pyramides euersas LNGCHQM, neenon LO DKM &c. in vnum cogat : nam multæ portiones integras extra vitrum GK, aut saltem communem basin LM eiiciunt, aliæ in partes contrarias pro erectione tendunt, è quo nebulæ & nonnullæ confusiones exoriuntur. Illud autem mirum alicui videatur, quod quo magis vitrum GK communi basi EF appropinquit, hoc minus imago valet, & tandem occupante vitro statione communis baseo EF, species omnino diluitur, ut præter puram putam lucem in obiecta utcunque charta nil videatur : huius, inquam, rei mirifica videatur laterè caussa, qnam proinde rimari operæ pretium utique fuerit. Nam ex eodem hoc patefacto fonte, rationes dilucide dabuntur, cur in basis communis vicinia confusior, remotione ordinatior pictura promicet.

CVR VITRVM INTERIVS COMMUNEM basin anterioris occupans, nil præter lucem ostentat ?

CAPVT XXII.

Dixi in prioribus, lucem luci superadditam facere lucidius, lucem speciebus colorum superfusam aut extinguere aut diluere species, species speciebus similes similibus simili-
terq;

terq; dispositis superiectas, augere vigorem compositi; similes dissimilibus aut similibus dissimiliter mixtas, mutare colorem, & parere confusionem: item eiusdem pancti radios collectos fortiores, dispersos debiliores effici: quibus positis, facile est, caussam quæ sibi à priore reddere. Nam quando vitrum conuexum interritis in stationem baseos communis collocatur, reperit in ea singula obiecti puncta ordinatissimè situ everso disposita, omnibus radijs vnius puncti à vitro anteriore in vnum sensibile punctum cōcurrentibus, qui post basin communem denuo in contrarias utrinque partes euagarentur, quos vitrum interius interceptos refractione ita moderatur ut in cōmunem etiam quandam basin singulorum punctorum coni post vitrum interius dilatati congregantur, quo sit ut singula puncta in totam illum basin dispergantur & necessario vnum alterum vel suffocet, vel eneruet, vel certè cōfundat; pro obiecti varietate. In figura res elucescit.

Obiectum AB, cadat in vitrum anterius CDE, mittatque in singula eius puncta C, D & E, &c. radiales pyramides ACB, ADB, & AEB, quarum bases sit obiectum AB, vertices puncta C, D, E, &c. ita ut totum obiectum AB, conueniat in singula vitri puncta C, D atque E; quod idem de alijs est sentiendum, hec enim exempli tantum causa assumuntur, & quod hinc sequitur, singula obiecti puncta A, B, & inter media quæcumque, veniant in totam vitri conuexitatem, radijs innumeris AC, AD, atque AE, &c. ita ut punctum obiecti quodus sit in toto vitro, & singulis eiusdem punctis; & vice versa obiectum totum AB, in quolibet singulari puncto vitri C, D, atque E, &c. ex quo necessarium est, in vitri anteriori statione ubicunque tandem assumpta esse summam totius obiecti permissionem,



Aa

vnde

vnde sit ut in charta iuxta eiusdem vitri viciniam obtenta, praeter lucem nil compareat. at postquam in punctis C, D, & E, &c. radiorum decussatio, pyramidumque euersio contingit, ita ut radius AC in radium CG, & BC, in CF refringatur, & AD in DG; BD in DF; AE in EG; BE in EF &c. pyramidisq; ACB in pyramidem FCG; & ADB in FDG; denique AEB in FEG, commigret; tunc demum obiectum totum A defertur pyramide qualibet vel FCG, vel FDG, vel FEG, sed situ euerso; quando ergo eo usque processerunt haec pyramidis, ut transuersim sectae, bases aquales simulq; habeant, in communis quadam sectione FG, seu quod id est, ut radios unius puncti ab obiecto in vitrum dispersos, in unum punctum post vitrum colligant, quale est F & G &c. (Nam radij omnes AC, AD, AE, ab unico puncto A egressi, & in totam superficiem conuexam CDE, vitri CE dispersi, eiusdem vitri beneficio in unicum rursus punctum G sunt collecti; sic radij BC, BD, & BE, similiter in punctum F ope refractionis coierunt; quod tamen absque hac nunquam fieret: & quod de hisce punctis duabus A & B exempli causa profero, hoc de omnibus inter A & B contentis est sentiendum:) ubi ergo dicta puncta in F & G sese de novo colligunt, illuc terminus baseos communis, & chartae opponendae statio habetur, in qua totum obiectum AB, representatur ordinatum secundum dictam basin FG, situ commutato, & singulariter obiecti puncta sunt in locis suis singulis, nullumque alterius locum occupat; ut punctum A est in loco G per radios CG, DG, EG, refractione collectos; & punctum B in loco F. & reliqua puncta inter A & B comprehensa, distribuuntur ordine in eandem basin FG, inter puncta F atque G, hinc in tali statione obiectum AB, suas species vitui pure ostentat, sed euerso situ. Habetq; se imago in chartam delata, sicut ipsum obiectum A B. quod si ablata charta suis radiationibus cursus relinquatur, contingit in basi eadem communis F G, secunda radiorum decussatio, propterea quod cuiusvis radij fluxus sit rectus, sicut que nouae pyramidis, quarum vertices existant ad singula baseos communis puncta, bases post basin communem; & quia unumquodque obiecti punctum in basi communis est vertex sui solius pyramidis

seu

seu directæ ante vitrum, seu refractæ post illud, inque vnicum illud punctum collectæ; hinc ipsum illud punctum iterum sese expandit post basin communem radiorum diuariatione, haud aliter atque punctum A seu B ab obiecto quaqua versus sese exsuffiat; quod si eo usque proferantur horum punctorum radiations uti etiam in aliquam communem basin coincidant, tunc basis illa in se tota habebit punctum obiecti quodlibet; & in puncto sui quoquis, habebit obiectum totum, seu singula totius obiecti puncta. & hinc sumitur causa à priore, cur post basin communem collocata papyrus imaginem confusam, & tandem loco imaginis meram lucem recipiat, quia venitur ad talem radiosque picturæ locum, in quem omnes omnium punctorum radiationes suas pyramides explicent, quæ res absque confusione nunquam euenir. nam si in obiecto multa puncta sint alba, vel lucida, ea punctorum coloratorum speciebus superflusa ita prævalent, ut illorum vim penitus elidant. Vnde ut concursuum & basium communium distinctione seruetur, placet hanc punctorum omnium in unam basin colluuiem, appellare basin communem Confusionis, sicut prior est basis communis distinctionis, seu discretionis siue denique ordinis; quam ordinis basin si vitrum conuexum interius siue posterius FG occupet, singula puncta F & G, singulosque illorum radios CF, DE, EF, itemque CG, DG, EF, deuehet atque conuehet in unam Confusionis basin HIK, ita ut punctum vnicum F pingatur in H, in I, in K, & omnibus interiectis punctis; sic punctum G, in K, in I, & H; quod idem iudicium esto de quibusuis punctis inter F & G, statutis: & sic quodlibet punctum totius obiecti AB est cum quoquis, & obiectum totum AB in uno puncto vel H, vel I, vel K, vel alio quoquis assignabili super basin confusionis HIK: nam sicut obiectum AB coit primo in punctum D, &c. & ex hoc iterum sese dilatat in basin ordinationis FG: ita post vitrum FG, coit denuo in vnicum punctum I: similiter idem obiectum AB venit in E, & ex hoc in GF, atque hinc denuo in punctum H; parique modo contrahitur in C atque ex hoc dilatatur in FG, rursusq; colligitur in K: & sic satis patet, cur vitrum interius in statione basis communis collocatum, specie omnino extinguat, vel saltem summè perturbet.

Basis Cō-
fusionis
& distin-
ctionis.

Aa 2 CVR